

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI/ZASTUPNIČKI DOM**



**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ/ЗАСТУПНИЧКИ ДОМ
САРАЈЕВО**

Sarajevo, 18.11.2025. godine

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajućeg**

PRIMLJENO: 19-11-2025			
Organizaciona jedinica	Klasifikaciona oznaka	Redni broj	Broj priloga

01-50-1-2491/25

Na osnovu člana 166. i 170. Poslovnika Predstavničkog doma Parlamentarne skupštine BiH ("Službeni glasnik BiH", br 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24) podnosim sljedeće

ZASTUPNIČKO PITANJE

Vijeće ministara Bosne i Hercegovine je 30. septembra 2025. godine usvojilo Reformsku agendu i listu reformi, što predstavlja jedan od preduslova za korištenje sredstava iz Plana rasta Evropske unije za Zapadni Balkan. U nacrtu Reformske agende bile su navedene dvije tabele investicionih projekata predviđenih za podršku kroz Reformsku agendu, među kojima nije bio uvršten nijedan projekat s područja Unsko-sanskog kantona.

U usvojenoj verziji Reformske agende tabele investicionih projekata su izostavljene uz obrazloženje da će Vijeće ministara BiH naknadno dostaviti Evropskoj komisiji konačnu listu projekata. Imajući u vidu da je Vijeće ministara BiH dužno osigurati ravnomjeran ekonomski razvoj svih dijelova države, uključujući i Unsko-sanski kanton, molim vas da dostavite odgovore na sljedeća pitanja:

1. Na koji način su bili planirani investicioni projekti uvršteni u nacrt Reformske agende i po kojim kriterijima su prvobitno odabrani?
2. Da li navedeni projekti iz nacrta Reformske agende predstavljaju jedinu grupu projekata koju Vijeće ministara Bosne i Hercegovine namjerava kandidirati za finansiranje u narednoj fazi realizacije Reformske agende, ili je lista otvorena za proširenje?
3. Koja procedura omogućava – direktno ili putem nadležnih federalnih ili državnih institucija – kandidiranje projekata s područja Unsko-sanskog kantona za uvrštavanje na konačnu listu investicionih projekata koju Vijeće ministara BiH dostavlja Evropskoj komisiji?
4. Koji će se konkretni kriteriji primjenjivati prilikom odabira investicionih projekata koji će biti podržani, te na koji način će Vijeće ministara BiH osigurati da projekti iz Unsko-sanskog kantona budu ravnopravno razmotreni?

Pitanje postavljam Vijeću ministara Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine Bosne i Hercegovine.

**Zastupnik
Šemsudin Dedić**